



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. XVI. Ad cap. VIII. de Rescript.

urn:nbn:de:hbz:466:1-10224

evidentissimis legibus definitum esse; Imperialia constituta, etiam si
 COSS. non legerentur, in dubium non vocari. Denique Justinia-
 nus disertè jussit constitutiones sine die & Consule in Codicem
 suum relatas nihilominus valere. *Const. de N. C. F. §. 2. vers. etsi*
que earum & de Justiniano Codice confirm. §. 3. At Tribonianus
 Constantini M. legem ad beneficia nominatim personalia, seu re-
 scripta Gratia, ut Canonistæ appellant, quæ nempe Codici non
 sunt inserta, interpolando refert. At verò sub Imperatoribus
 Franciscis cœpit lex Constantini in usum revocari, ut videre est ex
 Imp. Lotharii *legg. Langobardicis lib. 3. tit. 38.* Vide & L. Alemanni-
 nicam similem *tit. 34.* At in Ecclesia variavit consuetudo, Die &
 Consule modò adjectis, modò omissis. Pelagium & Gregorium
 M. primo rejectis Consulibus notis mensem & indictionem ad-
 scripsisse videmus. Quod tamen alii postea non fecerunt. Ni-
 colaus nempe primus, qui Gregorium secutus est, Johannes VIII.
 Gregorius VII. Alexander III. Innocentius III. & cæteri, qui lon-
 gas & multiplices epistolas decretales ediderunt: Sed & loco in-
 dictionis annus pontificatus poni cœpit, ut videre est in Epistolis
 Innocentii III. Zacharias nomen Imperatoris apposuit. Hæc
 itaque Data ad falsitatem evitandam fuit introducta, quia, ut
 Glossa ait *ad can. dicent. 16. c. 25. q. 2.* vix aliter probari falsum
 potest.

CAP. XVI.

Ad cap. VIII. de Rescript.

S U M M A R I A.

- | | |
|---|---------------------------|
| 1. Vita Lucii Papa. | 3. Urbe expulsus. |
| 2. Primus, qui ad formam Late-
ranensem creatus. | 4. Lingonensis Episcopat. |

Caput est Lucii 3. Pontificis. Fuit Lucà oriundus, Tuscus, *Vita Lucii*
 antea Ubalduſ Allucingolus, Bonaguintæ filius, ex Cano *Papa,*
 nico Lucensi factus Cardinalis tituli sanctæ Praxedis ab
 Innocentio II. & Episcopus Ostiensis & Veliternus, ab A-
 drianò IV. factus, electus Romæ à 15. Cardinalibus IV. Kalendas
 Septembres Anni 1185. Fuit benè literatus, ut ait Tyrius *lib. 22. hi-*
stor.

H.

Primus, qui stor. sacr. 6. 7. ferturque primus creatus Pontifex secundum formam à concilio Lateranensi II. præscriptam. Vixit in Cardinalatu fermè 50. annis teste Onuphrio. Tertio anno Pontificatus civili seditione urbe expellitur, cum Consules & Senatores ab Urbe ex- lere vellet. Profugit Veronam, ibi mortuus.

*pulsus. Scribit ad Lingonensem Episcopum. Lingones inter Cel-
Lingonensis tas finitimi Æduis, Sequanis Tullensibus, Langres vulgo, civitas
Episcopat. Episcopalis in Galliâ sub Archiepiscopo Lugdunensi; qui Archi-
episcopus est Dux & par Franciæ. Lingonensium Episcoporum
res gestas describit Jacobus Severtius in chronologiâ Archiepi-
scoporum Lugdunensium.*

CAP. XVII.

Ad cap. 9. Eod. tit.

S U M M A R I A.

- | | |
|---|--|
| 1. <i>Norvicensis Episcopat.</i> | 8. <i>Cur aula Rom. hodie solo Vice-</i> |
| 2. <i>Cancellarius Ecclesiæ, idem & Bibliothec.</i> | <i>Cancellarii titulo defungatur.</i> |
| 3. <i>Notariorum primicerius. Pro-</i> | 9. <i>Ratio Gomezii examinatur.</i> |
| <i>toscriniarius.</i> | 10. <i>Quis ultimus Romæ Cancellarius.</i> |
| 4. <i>A libellis, epistolis.</i> | 11. <i>Domnus Mosyès Vice-Cancel-</i> |
| 5. <i>Cancellaria, quis locus.</i> | <i>larius primus.</i> |
| 6. <i>Vice-Cancellarius.</i> | |
| 7. <i>Ejus officium.</i> | |

Norvicensis Episcopat. **S**criptum est ad Episcopum Norvicensem. Alia exemplaria legunt Norviensem. P. Gregorius Norvagiensem intelligit, & ita legendum putat. Sed omninò est Norvicensis, Norvicum Angliæ sub Cantuariensi Episcopo.

Cancellarij Ecclesiæ, idē Biblioth. In cap. X. mentio fit Cancellariæ. Cancellarius olim in Ecclesiâ Romanâ & bibliothecarius dictus, qui Romanum Pontificem in chartis Ecclesiasticis juvabat, & orientis occidentisque Synodicis consultationibus respondebat, ut tradit D. Hieronymus in epistolâ ad Agerachiam de monogamiâ. Et conjicit Dn. Mallincrot ipsum Hieronymum Damasi Papæ Cancellarium fuisse. *Notariorū* Antiquissimis temporibus Notariorum Primicerius appellabatur.